

孝

經

集

證

皓亭遺著有數種雅付刊而傳本殊缺其進言各體寫
本今在故宮博物院曹定傳鈔者僅有而持此及集解也
及識神副尚所先生又鈔以文集惜材料誤甚多為精校
先擇佳學博采錄論語孟子兩經即入紀年叢編他未遑及
甚厚陸補澄最佳馬君爽初向余借讀數為必刊者為藏
送予不知何日遇好事者為之付布耳三十八年九月欣夫



孝經集證卷一

舉人林選知縣 臣 桂文燦謹纂

開宗明義章

仲尼居

白虎通義姓名篇云孔子首類尼山蓋中低而四旁高如屋宇之反

說文云孝經曰仲尼尼尼謂閑居如此

曾子侍

史記仲尼弟子列傳云曾參南武城人字子與少孔子四十六歲孔子以為能通孝道故授之

業作孝經死於魯

子曰先王有至德要道以順天下

小戴禮弓下篇云節喪順變也

又王制篇云宗廟有不順者為不孝不孝者君絀
以爵

又樂記篇云樂極和禮極順內和而外順又云樂
在族長鄉里之中長幼同聽之則莫不和順

又祭義篇云天子有善讓德於天諸侯有善歸諸
天子卿大夫有善薦於諸侯士庶人有善本諸父
母存諸長老祿爵慶賞成諸宗廟所以示順也

又祭統篇云賢者之祭也必受其福非世所謂福也福者備也備者百順之名也無所不順之謂備言內盡於己而外順於道也忠臣以事其君孝子以順其親其本一也上則順於鬼神外則順於君長內則以孝於親如此之謂備唯賢者能備能備然後能祭是故賢者之祭也致其誠信與其忠敬奉之以物道之以禮安之以樂參之以時明薦之而已矣不求其為此孝子之心也祭者所以追養繼孝也孝者畜也順於道不逆於倫是之謂畜又云夫祭之為物大矣其與物備矣順以備者也其

教之本與是故君子之教也外則教之以尊其君
長內則教之以孝於其親是故明君在上諸臣服
從崇事宗廟社稷則子孫順孝盡其道端其義而
教生焉是故君子之事君也必身行之所不安於
上則不以使下所惡於下則不以事上非諸人行
諸己非教之道也是故君子之教也必由其本順
之至也祭其是與故曰祭者教之本也已又云顯
揚先祖所以崇孝也身比焉順也明示後世教也
又哀公問篇云孔子曰邱聞之民之所由生禮為
大非禮無以節事天地之神也非禮無以辨君臣

上下長幼之位也非禮無以別男女父子兄弟之
親昏姻疏數之交也君子以此為尊敬然然後以
其所能教百姓不廢其會節有成事然後治其雕
鏤文章黼黻以嗣其順之然後能言喪算備其鼎
俎設其豕腊修其宗廟歲時以敬祭祀以序宗族
即安其居節醜其衣服卑其宮室車不雕幾器不
刻鏤食不貳味以與民同利昔之君子之行禮也
如此

又中庸篇云詩曰妻子好合如鼓瑟琴兄弟既翕
和樂且湛宜爾室家樂爾妻帑子曰父母其順矣

乎

又昏義篇云教順成俗外內和順國家理治此之謂盛德

又聘義篇云聘射之禮至大禮也質明而始行事日幾中而后禮成非強有力者弗能行也故強有力者將以行禮也酒清人渴而不敢飲也肉乾人飢而不敢食也日莫人倦齊莊正齊而不敢解惰以成禮節以正君臣以親父子以和長幼此眾人之所難而君子行之故謂之有行有行之謂有義有義之謂勇敢故所貴於勇敢者貴其能以立義

也所貴於立義者貴其有行也所貴於有行者貴其行禮也故所貴於勇敢者貴其敢行禮義也故勇敢強有力者天下無事則用之於禮義天下有事則用之於戰勝用之於戰勝則無敵用之於禮義則順治外無敵內順治此之謂盛德故聖王之貴勇敢強有力如此也勇敢強有力而不用之於禮義戰勝而用之於爭鬪則謂之亂人刑罰行於國所誅者亂人也如此則民順治而國安也

左氏昭二十八年傳云慈和徧服曰順杜注云唯順故天下徧服

國語周語中云以順及天下

晉語一云敬順所安為孝又晉語二云在因民而順之

陸賈新語云孔子曰有至德矣道以順天下言德行而其下順之矣

民用和睦上下無怨汝知之乎

書堯典云光被四表格于上下克明峻德以親九族九族既睦平章百姓百姓昭明協和萬邦黎民於變時雍

曾子避席曰參不敏何足以知之

小戴曲禮上篇云侍坐於先生先生問焉終則對請業則起請益則起父詔無諾先生詔無諾唯而起

子曰夫孝德之本也教之所由生也

大戴曾子大孝篇小戴祭義篇並云民之本教曰孝又中庸篇云立天下之大本鄭注大本孝經也論語學而篇云君子務本本立而道生孝弟也者其為仁之本與鄭康成云孝為百行之本

白虎通義云孝道之美百行之本也

說苑建本篇云孔子曰行身有六本本立焉然

後為君子立體有義矣而孝為本處喪有禮矣
而哀為本戰陳有隊矣而勇為本治政有理矣
而能為本居國有禮矣而嗣為本生財有時矣
而力為本

後漢書延篤傳曰篤以病歸教授家巷時人或
疑仁孝前後之證篤乃論之曰觀夫仁孝之辨
紛然異端互引典文代取事據可謂篤論矣夫
人二致同源總率百行非復銖兩輕重必定前
後之數也而如欲分其大較體而名之則孝在
事親仁施品物施物則功濟於時事親則德歸

於己於己則事寡濟時則功多推此以言仁則
遠矣然物有出微而著事有由隱而章近取諸
身則耳有聽受之用目有察見之明足有致遠
之勞手有飾衛之功效雖顯外本之者心也遠
取諸物則草木之生始於萌芽終於彌蔓枝葉
扶疏榮華紛綵木雖繁蔚致之者根也夫仁人
之有孝猶四體之有心腹枝葉之有本根也聖
人知之故曰夫孝天之經也地之義也人之行
也君子務本本立而道生孝弟也者其為仁之
本與然體大難備物性好偏故所施不同事少

兩兼者也如必對其優劣則仁以技業扶疏為
大孝以心體本根為先可無訟也或謂先孝後
仁非仲尼序回參之意蓋以為仁孝同質而生
純體之者則互以為稱虞舜顏回是也若偏而
體之則各有其目公劉曾參是也夫曾閔以孝
弟為至德管仲以九合為仁功未有論德不先
回參考功不大夷吾以此而言各從其稱者也
復坐吾語汝

鉤命決云子曰吾作孝經以素王無爵之賞斧
鉞之誅故稱明王之道曾子避席復坐子曰居

吾語女順孫以避災既與先王以託權註託先

王以為己權執力

太平御覽
學部四

身體髮膚受之父母不敢毀傷孝之始也

大戴曾子大孝篇

小戴祭義篇並云樂正子春下

堂而傷其足傷瘳

小戴脫此二字

數月不出猶有憂色門

弟子問曰夫子傷足瘳矣數月不出猶有憂色何

也

傷小戴作之

樂正子春曰善如爾之問也

小戴壘此句吾

聞之曾子曾子聞諸夫子曰天之所生地之所養

人為大矣

小戴作無人為大

父母全而生之子全而歸之

可謂孝矣不虧其體

小戴下有不虧其身句

可謂全矣故君

子頃步之不敢忘也

小戴之作而志下有孝字

今予忘夫孝之

道予是以有憂色故君子一舉足不敢忘父母一

出言不敢忘父母

小戴無故君子三字

一舉足不敢忘父母

故道而不徑身而不游不敢以先父母之遺體行

殆也一出言不敢忘父母是故惡言不出於口忿

言不及於已

及于已今小戴作反于身唐本反亦作及

然後不辱其身

不憂其親則可謂孝矣

小戴無然從字及則于憂作羞

又制言下篇云君子不犯禁而入人境不通志而

出危邑則秉德之士不調矣君子不調富貴以為

已說不乘貧賤以居己尊凡行不義則吾不事不

仁則吾不長奉相仁義則吾與之聚羣嚮爾寇盜則吾與慮

又立事篇云戰戰惟恐刑罰之至也

論語秦伯篇云曾子有疾召門弟子曰啟予足啟予手詩云戰戰兢兢如臨深淵如履薄冰而今而後吾知免夫小子

文樂謹案此皆不敢毀傷之謂也

立身行道揚名於後世以顯父母孝之終也

易繫詞傳曰善不積不足以成名

大戴曾子大孝篇云父母既没慎行其身不遺父母惡名可謂能終矣

又制言上篇云曾子曰夫行也者行禮之謂也夫
禮貴者敬馬老者孝馬幼者慈馬少者友馬賤者
惠馬此禮也行之則行也立之則義也今之所謂
行者犯其上危其下衡道而彊立之天下無道故
若天下有道則有司之所求故君子不貴興道之
士而貴有恥之士也若由富貴興道者與貧賤吾
恐其或失也若由貧賤興道者與富貴吾恐其羸
驕也夫有恥之士富而不以道則恥之貧而不以
道則恥之弟子無曰不我知也

又制言中篇云有知之則願也莫知之苟吾自知

也吾不仁其人雖獨也吾弗親也故君子不假責而取寵不比譽而取食直行而取禮比說而取友有說我則願也莫我說苟吾自說也故君子無怩怩於貧無勿勿於賤無憚憚於不聞布衣不完蔬食不飽蓬戶穴牖日孜孜上仁知我吾無訢訢不知我無怩怩是以君子直言直行不宛言而取富不屈行而取位仁之見逐智之見殺固不難誅身而為不仁宛言而為不智則君子弗為也君子雖言不受必忠曰道雖行不受必忠曰仁雖諫不受必忠曰智天下無道循道而行衡塗而償手足不

拚四支不被此則非士之罪也有士者之羞也

小戴內則篇云父母雖沒將為善思貽父母令名必果將為不善思貽父母羞辱必不果

又中庸篇云身不失天下之顯名

又祭統篇云夫鼎有銘銘者自名也自名以稱揚其先祖之美而明著之後世也為先祖者莫不有美焉莫不有惡焉銘之義稱美而不稱惡此孝子孝孫之心也唯賢者能之銘者論其先祖之有德善功烈勳勞慶賞聲名列於天下而酌之祭器自成其名焉以祀其先祖者也顯揚先祖所以崇

孝也身比馬順也明示後世教也夫銘者壹稱而上下皆得焉耳矣是故君子之觀於銘也既美其所稱又美其所為為之者明足以見之仁足以與之知足以利之可謂賢矣賢而勿伐可謂恭矣故衛孔悝之鼎銘曰六月丁亥公假于太廟公曰叔舅乃祖莊叔右左成公成公乃命莊叔隨難于漢陽即宮於宗周奔走無射啟右獻公獻公乃命成叔纂乃祖服乃考文叔興舊耆欲作率慶士躬恤衛國其勤公家夙夜不解民咸曰休哉公曰叔舅予女銘若纂乃考服悝拜稽首曰對揚以辟之勤

大命施於烝彝鼎此衛孔悝之鼎銘也古之君子
論譔其先祖之美而明著之後世者也以比其身
以重其國家如此

又哀公問篇云公曰敢問何謂成親孔子對曰君
子也者人之成名也百姓歸之名謂之君子之子
是使其親為君子也是為成其親之名也已

穀梁隱元年傳云孝子揚父之美不揚父之惡先
君之欲與桓非正也邪也雖然既勝其邪心以與
隱矣已探先君之邪志而遂以與桓則是成父之
惡也兄弟天倫也為子受之父為諸侯受之君

夫孝始於事親中於事君終於立身

大戴曾子大孝篇小戴祭義篇並云身者親之遺體也行親之遺體敢不敬乎故居處不莊非孝也莅官不敬非孝也朋友不信非孝也戰陳無勇非孝也五者不遂災及其身故不敬乎

北史儒林何晏傳蘇綽戒子威云讀孝經一卷足以立身治國何用多為

大雅云無念爾祖聿脩厥德

詩大雅文王篇毛傳云無念念也聿述也鄭箋云當念女祖為之法王斥成王又云王既述脩祖德

左氏文二年傳趙成子言於諸大夫曰秦師又至
將必辟之懼而增德不可當也詩曰毋念爾祖聿
脩厥德孟明念之矣念德不怠其可敵乎

又昭二十三年傳沈尹戌曰子常必亡郢苟不能
衛城無邑也詩曰無念爾祖聿脩厥德無亦監乎
若敖蚡冒至于武文土不過同慎其四竟猶不城
郢今土數圻而郢是城不亦難乎

漢書匡衡傳云願陛下詳覽統業之事留神於
遵制揚功臣定羣下之心大雅曰無念爾祖聿
脩厥德孔子著之孝經首章蓋至德之本也

文選晉紀論注引劉良曰聿循也脩治也

天子章

子曰愛親者不敢惡於人敬親者不敢慢於人

呂覽孝行篇曰凡為天下治國家必務本而後
末所謂本者非耕鋤種植之謂務其人也務其
人非貧而富之寡而眾之務其本也務本莫貴
乎孝三皇五帝之本務而萬事之紀也夫執一
術而百善至百邪去天下從者其惟孝也故論
人必先以所親而後及所疏必先所重而後及
所輕今有人於此行於親重而不簡慢於輕疏

則是爲謹孝道先王之所以治天下也故愛其
親不敢惡人敬其親不敢慢人愛敬盡於事親
光耀加於百姓究於四海此天子之孝也

愛敬盡于事親而德教加于百姓刑于四海

尚書克典云岳曰替子父頑母異象傲克諧以孝
烝烝乂不格姦又曰帝曰契百姓不親五品不遜
汝作司徒敬敷五教在寬

詩大雅下武云成王之孚下土之式永言孝思孝
思維則

又既醉篇云威儀孔時君子有孝子孝子不匱永

錫爾類箋云孝子之行非有竭極之時長以與女之族類謂廣之以教道天下也

大戴曾子立事篇云昔者天子日旦思其四海之內戰戰惟恐不能乂也

又曾子大孝小戴祭義篇並云大孝不匱又云博施備物可謂不匱矣

孔廣森曰忠教加于百姓則于四海博施之謂也

又制言中篇云是故君子以仁為尊天下之富何為富則仁為富也天下之貴何為貴則仁為貴也昔者舜匹夫也土地之厚則得而有之人徒之眾則得而使之舜唯仁得之也是故君子將說富貴

必勉於仁也

小戴祭義篇呂覽孝行篇並云曾子曰先王之所
以治天下者五責德責貴責老敬長慈幼此五者
先王之所以定天下也所謂責德為其近於道也
所謂責貴為其近於君也所謂責老為其近於親
也所謂敬長為其近於兄也所謂慈幼為其近於
弟也

又中庸篇云是以聲名洋溢乎中國施及蠻貊舟
車所至人力所通天之所覆地之所載日月所照
霜露所降凡有血氣者莫不尊親故曰配天

孟子離婁篇云天子不仁不保四海

援神契云天子行孝四夷和平

御覽人事部五十三又云

天子刑於四海德洞淪冥八方神化則斗甯精

御覽林徽部一

韓詩外傳卷五云故君子修身及孝則民不倍矣敬孝達乎下則民知慈愛矣好惡喻乎百姓則下應其上如影響矣是以兼制天下定海內臣萬姓之要法也明王聖主之所不能須臾而舍也詩曰成王之孚下土之式永言孝思孝思維則

蓋天子之孝也

小戴王制篇云養者老以致孝

又中庸篇云子曰舜其大孝也與德為聖人尊為天子富有四海之內宗廟饗之子孫保之故大德必得其位必得其祿必得其名必得其壽又云武王纘大王王季文王之緒壹戎衣而有天下身不失天下之顯名尊為天子富有四海之內宗廟饗之子孫保之武王末受命周公成文武之德追王大王王季上祀先公以天子之禮斯禮也達乎諸侯大夫及士庶人父為大夫子為士葬以大夫祭

以士父為士子為大夫葬以士祭以大夫期之喪
達乎大夫三年之喪達乎天子父母之喪無貴賤
一也

春秋運斗樞云天子孝則景雲出游

瑞聚祥

援神契云天子孝曰就就之為言成也天子德
被天下澤及萬物始終成就則其親獲安故曰

就也

甚唐書
禮儀志

又云天覆地載謂之天子上法斗

極

白虎通
爵篇

又云元氣混沌孝在其中天子孝天

龍負圖地龜出書妖孽消滅景雲出游

初學記
人部類

聚天部
解介部

甫刑云一人有慶兆民賴之

大戴保傅篇云夫教得而左右正左右正則天子正矣天子正而天下定矣書曰一人有慶兆民賴之此時務也

小戴蠲衣篇云子曰下之事上也從其所令從其所行上好是物下必有甚者矣故上之所好惡不可不慎也是民之表也子曰禹立三年百姓以仁遂焉豈必盡仁甫刑云一人有慶兆民賴之

左氏襄十三年傳云君子曰讓禮之主也范宣子讓其下皆讓樂廢為汰弗敢違也晉國以平數世

賴之刑善也夫一人刑善百姓休和可不務乎書
曰一人有慶兆民賴之其寔惟永其是之謂乎

荀子君子篇云故刑當罪則威不當罪則侮爵
當賢則責不當賢則賤古者刑不過罪爵不踰
德故殺其父而臣其子殺其兄而臣其弟刑罰
不怒罪爵賞不踰德分然各以其誠通是以為
善者勸為不善者沮刑罰綦省而威行如流政
令致明而化易如神傳曰一人有慶兆民賴之
此之謂也

說苑建本篇云文公見咎季其牆壞而不築公

曰何不築對曰一日不稼百日不食公出而告
之僕僕頓首於軫曰呂刑云一人有慶兆民賴
之君之明羣臣之福也

孝經集證卷二

桂文燦纂

諸侯章

在上不驕高而不危制節謹度滿而不溢

大戴曾子立事篇云與其者也寡儉與其侈也寡
句又云居上位而不淫臨事而秉者鮮不濟矣文

謹案此不驕不危不溢之謂也

援神契云王者奉已儉約臺榭不侈瑤樹不役

尊事者老則白雀見

占經一
電羽族部九

荀子宥生篇云孔子曰吾聞宥生之器者虛則

教中則正滿則覆孔子顧謂弟子曰注水焉弟子挹水而注之孔子喟然歎曰吁惡有滿而不覆者哉子路曰教問持滿有道乎孔子曰聰明聖知守之以愚功被天下守之以讓勇力無世守之以怯富有四海守之以謙

文樂謹素此滿而不溢之謂也

高而不危所以長守貴也滿而不溢所以長守富也富貴不離其身然後能保其社稷而和其民人

大戴曾子立事篇云諸侯曰旦思其四封之內戰戰惟恐失損之也

孟子離婁篇云諸侯不仁不保社稷

又盡心篇是故得乎邱民為天子得乎天子為諸侯得乎諸侯為大夫諸侯危社稷則變置趙注云諸侯為危社稷之行則變置更立賢諸侯也

文崇謹案

不危不溢然後能保其社稷也

尚書運期授云天子社東方青南方赤西方白

北方黑上冒以黃土將封諸侯各取方土苴以

白茅以為社

文選魏公九錫文注荅蘇武書注揚州誅注齊安陸昭王碑文注

官者傳

論注

援神契云祭地之禮與祭天同

禮王制正其又周禮司表疏

云社者五土之總神稷者原隰之神五穀稷為

長五穀不可徧敬故立社以表名

周禮大宗伯疏又封人鼓

人又云社者土地之主也稷者五穀之長也土

地廣博不可徧敬故封土為社以報功也五穀

眾多不可徧祭故立稷而祭之

玉海卽祀

又云社

為土神稷為穀神句龍柱昝是配食者也

同上又

云稷乃原隰之中能生五穀之祇

禮通典

又云天

子社廣五文諸侯半之然後能保其社稷之等

紺珠傳禮疏

呂覽先識篇曰楚之邊邑曰卑梁其處女與吳

之邊邑處女桑於境上戲而傷卑梁之處女卑

梁人操其傷子以讓吳人吳人應之不恭怒殺
而去之吳人往報之盡屠其家卑梁公怒曰吳
人焉敢攻吾邑舉兵反攻之老弱盡殺之矣吳
王夷昧聞之怒使人舉兵侵楚之邊邑克夷而
後去之吳楚以此大隆吳公子光又率師與楚
人戰于難父大敗楚人獲其帥潘子臣小帷子
陳夏箴又反伐郢得荆平王之夫人以歸實為
難父之戰凡持國太上知始其次知終其次知
中三者不能國必危身必窮孝經曰高而不危
所以長守貴也滿而不溢所以長守富也富貴

不離其身然後能保其社稷而和其民人楚不能之也

白虎通義社稷篇云王者所以有社稷何為天下求福報功人非土不立非穀不食土地廣博不可偏敬也五穀眾多不可一一而祭也故封土立社示有土莫稷五穀之長故封稷而祭之也孝經曰保其社稷而和其民人蓋諸侯之孝也稷者得陰陽中和之氣而用尤多故為長也風俗通義祀典篇云孝經說社者土地之主土地廣博不可偏敬故封土以為社而祀之報功

也稷者五穀之長五穀眾多不可偏祭故立稷

而祭之

五穀異義引孝經說
同見七情禮記疏

謹案春秋左氏傳

有烈山氏之子曰柱能植百穀疏果故立以為

稷正也周棄亦以為稷正也周棄亦以為稷自

商以來祀之禮緣生以事死故社稷人祀之也

則祭稷設不得稷米稷反自食也而邾文公用

鄆子于次睢之社司馬子魚諫曰古者六畜不

相為用祭以為人也民人神之主也用人其誰

享之詩云吉日庚午既伯既禱豈復殺馬以祭

馬乎孝經之說於斯悖矣米之神為稷故以祭

未日祠稷於西南水勝火為金相也

五經異義引孝經說云社為土神稷為穀神句

龍后稷配食者

尚書疏

蓋諸侯之孝也

援神契云諸侯孝曰度度者法也諸侯居國能

奉天子法度得不危溢則其親獲安故曰度也

禮儀志又云五岳視三公四瀆視諸侯後漢書

注又云二王之後稱公大國稱侯皆千乘象雷

震百里所潤雲雨同

御覽封

又云侯侯也所以

守蕃也伯者白也

類聚封爵部

詩云戰戰兢兢如臨深淵如履薄冰

詩小雅毛傳云戰戰恐也兢兢戒也如臨深淵恐
隊也如履薄冰恐陷也

大戴曾子立事篇云君子見利思義見惡思誥嗜
欲思恥忿怒思志君子終身守此戰戰也又云行
身以戰戰亦殆免於罪矣又云昔者天子日旦思
其四海之內戰戰惟恐不能乂也諸侯日旦思其
四封之內戰戰惟恐失損之也大夫士日旦思其
官戰戰惟恐不能勝也庶人日旦思其事戰戰惟
恐刑罰之至也是故臨事而栗者鮮不濟矣

左氏傳二十二年傳臧文仲曰國無小不可易也
雖取不可恃也詩云戰戰兢兢如臨深淵如履薄
冰

又宣十六年傳云羊舌肸曰詩云戰戰矜矜如臨
深淵善人在上也善人在上則國無幸民杜注言
善人在位則無不戒懼

論語泰伯篇云曾子有疾召門弟子曰啟予足啟
予手詩云戰戰兢兢如臨深淵如履薄冰而今而
後吾知免夫小子

文榮陸素此曾子守戰戰
兢兢之義以至於沒世也

荀子臣道篇云仁者必敬人凡人非賢則業不

肖也人賢而不敬則是禽獸也人不肖而不敬則是狎虎也禽獸則亂狎虎則危災及其身矣詩曰不敢暴虎不敢馮河人知其一莫知其它戰戰兢兢如臨深淵如履薄冰此之謂也

淮南子道應訓云尹佚對曰使之時而敬順之王曰其度安在曰如臨深淵如履薄冰王曰懼哉王人乎

說苑敬慎篇云夫不誠不思而以存身全國者亦難矣詩曰戰戰兢兢如臨深淵如履薄冰此之謂也又云孔子之周觀於太廟右陛之前有

金人馬三緘其口而銘其背孔子顧謂弟子曰
記之此言雖鄙而中事情詩曰戰戰兢兢如臨
深淵如履薄冰行身如此豈以口遇禍哉

卿大夫章

非先王之法服不敢服非先王之法言不敢道非先
王之德行不敢行

大戴曾子立事篇云君子入人之國不稱其諱不
犯其禁不服華色之服不稱懼易之言又云君子
出言邪邪行身戰戰

小戴表記篇云是故聖人之制行也不制以已使

民有所勸勉愧恥以行其言禮以節之信以結之
容貌以文之衣服以移之朋友以極之敬民之有
壹也小雅曰不愧于人 不畏于天是故君子服其
服則文以君子之容有其容則文以君子之辭達
其辭則實以君子之德是故君子恥服其服而無
其容恥有其容而無其詞恥有其詞而無其德恥
有其德而無其行是故君子裘絰則有衣色端冕
則有敬色甲冑則有不可辱之色詩云雉鷄在梁
不濡其翼彼其之子不稱其服

又緇衣篇云子曰王言如絲其出如綸王言如綸

其出如縛故大人不倡游言可言也不可行君子
弗言也可行也不可言君子弗行也則民言不危
行而行不危言矣詩曰淑慎爾止不譽于儀子曰
君子道人以言而禁人以行故言必慮其所終而
行必稽其所敵則民謹於言而慎於行詩云慎爾
出話敬爾威儀大雅曰穆穆文王於緝熙敬止子
曰長民者衣服不貳從容有常以齊其民則民德
壹詩曰彼都人士狐裘黃黃其容不改出言有章
行歸于周萬民所望

孟子告子下篇云免舜之道孝弟而已矣子服免

之服誦免之言行免之行是免而已矣子服桀之服誦桀之言行桀之行是桀而已矣

是故非法不言非道不行

荀子大畧篇云孝子言為可聞行為可見言為可聞所以說遠也行為可見所以說近也近者悅則親遠者悅則附親近而附遠孝子之道也口無擇言身無擇行

詩思齊古之人無敢譽髦斯士鄭箋引孝經口無

擇言身無擇行以明之

釋文鄭作擇既氏福曰此乃鄭填字經之擇為取法

時毛詩本必有作擇者二擇字當讀為厭我之我厭我即詩所云在彼無忌在此無敢也况夜以

未終
卷也

曾子立事篇云言必有主行必有法

論語先進篇云子曰論篤是與君子者乎色莊者
乎集解云論篤者謂口無擇言君子者謂身無鄙
行

言滿天下無口過行滿天下無怨惡

大戴曾子立事篇云君子終日言不在尤之中

又本孝篇小戴祭義篇並云惡言不出於口

又制言篇云君子不犯禁而入人境

又術將軍文子篇云德恭而行信終日言不在尤

之內在尤之外貧而樂也蓋老萊子之行也

三者備矣然後能守其宗廟

小戴曲禮上篇云君子將營宮室宗廟為先廡庫
為次居室為後凡家造祭器為先犧賦為次養器
為後無田祿者不設祭器有田祿者先為祭服君
子雖貧不粥祭器雖寒不衣祭服為宮室不斬於
邱木大夫士去國祭器不斲竟大夫寫祭器於大
夫士寫祭器於士

又祭統篇云子孫之守宗廟社稷者其先祖無美
而稱之是証也有善而弗知不明也知而弗傳不

仁也此三者君子之所恥也

孟子韓婁上篇云卿大夫不仁不保宗廟又云不

孝有三無後為大舜不告而娶為無後也

既氏福曰不娶

無後致純祖宗血食自是不孝若實有其後人而不能本祖宗之祭祀以致不保不守亦謂之無後論語或武仲以防求為後於魯注曰為後立後也左傳襄公二十三年純不佞失守宗祀純之罪不及不祀注曰言應有後此皆確證也

援神契云宗廟所以尊祖也

書鈔宗廟禮儀部十作廟者

所以尊先祖也

呂覽孝行篇云曾子曰父母生之子弟敢殺父母置之子弟敢告廢父母全之子弟敢闕故身

而不游道而不徑能全支體以守宗廟可謂孝矣

蓋卿大夫之孝也

援神契云卿大夫孝曰譽譽之為言名也卿大夫言行布滿能無惡稱譽過遐邇則其親復安

故曰譽也

舊唐書禮儀志

詩曰夙夜匪解以事一人

詩大雅烝民篇鄭箋云夙早夜莫匪非也一人斥天子

左氏文三年傳云秦伯伐晉遂霸西戎用孟明也

君子是以知孟明之為臣也其不解也能懼思也
詩曰夙夜匪解以事一人孟明有焉

又襄二十五年傳云太叔文子聞之曰詩曰夙夜
匪解以事一人今甯子事君不如奕棋其何以免
乎

韓詩外傳卷八荆蒯蒞曰吾聞之食其食死其
事吾既食亂君之食又安得治君而死之遂驅
車而入死其事詩曰夙夜匪解以事一人荆先
生之謂也又云賜欲休於事君孔子曰詩曰夙
夜匪解以事一人為之若此其不易也若之何

其休也

漢書董仲舒傳仲舒對曰自非大亡道之世天
盡欲扶而安全之事在彊勉而已矣彊勉學問
則見闡博而知益明勉強行道

有功詩曰夙夜匪解書曰茂哉茂哉皆彊勉之
謂也

又王莽傳閉門延士下及白屋婁省朝政綜管
眾治親見牧守臣下考迹雅素審知白黑詩曰
夙夜匪解以事一人公之謂矣

漢紀卷二十八初丞相秦之制本次國命卿故

置左右丞相故三公之官詩云夙夜匪解以事
一人一人者謂天子也

藝文類聚引續漢記云陰識拜特進極言正議
至與賓客語不及國事常慕仲山甫夙夜匪懈

孝經集證卷三

桂文燦纂

士章

資於事父以事母而愛同資於事父以事君而敬同
詩小雅沔水篇嗟我兄弟邦人諸友莫肯念亂誰
無父母箋云我王也莫無也我同姓異姓之諸侯
女自恣聽不朝無肯念此於禮法為亂者女誰無
父母乎言皆生於父母也臣之道資於事父以事
君

大戴本命篇小戴四制篇並云門內之制恩掩義

門外之制義掩恩資於事父以事君而敬同責責
尊尊義之大者也又云資於事父以事母而愛同
天無二日國無二君家無二尊以治之也父在為
母齊衰期見無二尊也

公羊昭十五年傳云大夫聞君之喪攝主而往何
休解詁曰主謂己主祭者臣聞君之喪義不可以
即行故使兄弟若宗人攝行主事而往不廢祭者
古禮也古有分土無分民大夫不世己父未必為
今君臣也孝經曰資於事父以事君而敬同

又定四年傳云事君猶事父也此其為可以復讎

奈何曰父不受誅子復讎可也何休解詁曰孝經
曰資於事父以事君而敬同本取事父之敬以事
君而父以無罪為君所殺諸侯之君與王者異於
義得去君臣已絕故可也孝經云資於事父以事
母莊公不得讎文姜者母所生雖輕於父重於君
也易曰天地之大德曰生故得絕不得殺

援神契云母之於子也鞠養殷勤推燥居溼絕

少分甘

後漢書楊震傳注
覽人事部七十三

卯

鈞命決云君父同敬為母不同敬

曲禮
正義

鄭君駁五經異義云資於事父以事君言能為

人子乃能為人臣也

通典

故母取其愛而君取其敬兼之者父也

大戴曾子大孝篇小戴祭義篇並云中孝用勞又

云尊仁安義可謂用勞矣

文潔謹業事仁愛也安義敬也事父兼愛與敬

也

故以孝事君則忠以敬事長則順

詩魏風陟岵云陟彼岵兮瞻望父兮父曰嗟予子

行役夙夜無已上慎旃哉猶來無止陟彼屺兮瞻

望母兮母曰嗟予季行役夙夜無寐上慎旃哉猶

來無棄陟彼岡兮瞻望兄兮兄曰嗟予弟行役夙

夜必偕上慎旃哉猶來無死

又唐風鴛羽云肅肅鴛羽集于苞桐王事靡盬不能執稷黍父母何怙悠悠蒼天曷其有所肅肅鴛翼集于苞棘王事靡盬不能執黍稷父母何食悠悠蒼天曷其有極肅肅鴛行集于苞桑王事靡盬不能執稻粱父母何害悠悠蒼天曷其有常

又小雅北山云陟彼北山言采其杞偕偕士子朝夕從事王事靡盬憂我父母溥天之下莫非王土率土之濱莫非王臣大夫不均我從事獨賢四牡彭彭王事傍傍嘉我未老鮮我方將旅力方剛經

營四方或燕燕居息或盡瘁事國或息偃在牀或不已於行或不知叫號或慘慘劬勞或棲遲偃仰或王事鞅掌或湛樂飲酒或慘慘畏咎或出入風議或靡事不為

大戴曾子立事篇云事父可以事君事兄可以事長

又立孝篇云是故未有君而忠臣可知者孝子之謂也未有長而順下可知者弟弟之謂也又云為人弟而不能承其兄者不敢言兄不能訓其弟者

又本孝篇云曾子曰忠者其孝之本與

又衛將軍文子篇云孔子曰孝德之始也弟德之序也信德之厚也忠德之正也參也中夫四德者矣

又主言篇云上順齒則下益涕

小戴祭統篇云忠臣以事其君孝子以事其親其本一也上則順於鬼神外則順於君長內則以孝於親如此之指備

又坊記篇云子云孝以事君弟以事長示民不貳也

又昏義篇云父子有親而后君臣有正故曰昏禮者禮之本也鄭注言子受氣性純則孝孝則忠也左氏文六年傳云事長則順

穀梁定四年傳云且事君猶事父也虧君之義後父之讎臣弗為也

援神契曰求忠臣必於孝子之門

漢書章
句傳注

忠順不失以事其上

周禮地官師氏云順行以事師長

小戴祭義篇云立愛自親始教民睦也立敬自長始教民順也

又云孝以事親順以聽命錯諸天下無所不行

左氏哀六年傳云從君之命順也

然後能保其祿位而守其祭祀

大戴曾子立事篇云大夫士日旦思其官職戰戰惟恐不能勝也

援神契云祿者錄也取上所以敬錄接下下所

以謹錄事上

詩修木正義
爾雅釋言疏

蓋士之孝也

援神契云士孝曰究究者以明審為義士始升朝辭親入仕能審資父事君之禮則其親獲安

故曰究也

舊唐書
禮儀志

詩云夙興夜寐毋忝爾所生

詩小雅小宛篇毛傳云忝辱也

大戴曾子立事篇云君子愛日以學及時以行難者弗辟易者弗從唯義所在日旦就業夕而自省思以及其身亦可謂守業矣又云朝有過夕改夕有過朝改又云大夫士日旦思其官職戰戰惟恐不能勝

又立孝篇云夙興夜寐無忝爾所生言不自舍也不恥其親君子之孝也

又制言中篇云是故君子思仁義晝則忘食夜則忘寐日且就業夕而自省以攻其身亦可謂守業矣

國語魯語云敬姜曰士朝而受業晝而講貫夕而習復夜而計過無憾而後即安

韓詩外傳卷八云昨日何生今日何成必念歸厚必念始生日慎一日完如金城詩云我日斯邁而月斯征夙興夜寐無忝爾所生

潛夫論讚學篇云詩云題彼脊鴿載飛載鳴我日斯邁而月斯征夙興夜寐無忝爾所生是以

君子終日乾乾進德脩業非直為博己而已也
蓋乃思迷祖考之令聞而以顯父母也

庶人章

用天之道分地之利

大戴曾子大孝篇小戴祭義篇並云小孝用力又
曰慈愛忘勞可謂用力矣

文燦謹案慈亦孝也如
上子孝子慈亦之慈

又制言篇云是故君子錯在高山之上深澤之污
聚稼粟藜藿而食之生材稼以老十室之邑

援神契云周天七衡六間曰大寒後十五日斗
指艮為立春正月節立始建也春氣始至故為

之立也 立春後十五日斗指寅為雨水正月
中雨水 中氣雪散為水也 雨水後十五日斗
指甲為驚蟄 二月節驚蟄者蟄蟲震驚而出也
驚蟄後十五日斗指卯為春分 二月中分者
半也 當九十日之半也 故謂之分 夏冬不言分
言天地間二氣而已矣 陽生於子極於午 即其
中分也 春分後斗指乙為清明 三月節萬物
至此皆潔齊而清明矣 清明後十五日斗指
辰為穀雨 三月中言雨生百穀清淨明潔也
穀雨後十五日斗指巽為立夏 四月節言物至

此時皆假大也 立夏後十五日斗指巳為小

滿四月中小滿者物長於此小得盈滿也 小

滿後十五日斗指丙為芒種五月節言有芒之

穀可播種也 芒種後十五日斗指午為夏至

言萬物於此假大而極至也 夏至後十五日

斗指丁為小暑六月節 小暑後十五日斗指

未為大暑六月中小大者就極熱之中分為大

小初後為小望後為大也 大暑後十五日斗

指坤為立秋秋者斂也萬物於此秋斂也 立

秋後十五日斗指申為處暑言瀆暑將退伏而

潛處也 處暑後十五日斗指庚為白露節言
陰氣漸重露凝而白也 白露後十五日斗指
酉為秋分陰生於午極於亥故酉其中分也仲
月之節為秋分秋為陰中陰陽適中故晝夜長
短亦均焉 秋分後十五日斗指辛為寒露言
冷寒而將欲凝結也 寒露後十五日斗指戌
為露降言氣肅露凝結而為霜矣 霜降後十
五日斗指乾為立冬十月節冬者終也萬物皆
收藏也 立冬後十五日斗指亥為小雪十月
中天地積陰溫則為雨寒則為雪時言小者寒

未深而未大也 小雪後十五日斗指壬為大

雪十一月節言積陰為雪至此栗烈而大矣

大雪後十五日斗指子為冬至十一月中陰極

而陽始至日南至漸長至也 冬至後十五日

斗指癸為小寒十二月節陽極陰生乃為寒今

月初寒猶小也 小寒後十五日斗指丑為大

寒十二月中至此栗烈極矣

為應宗月
今廣義

又云地

順受澤謙虛開張令泉任萌滋物歸中注云開

張九竅受流灑潤是其謙虛也

月令正氣
覽地部一

御

又云伏羲氏畫地之制凡天下山五千三百七

十居地五十六萬四千五十六里出水者八千里受水者八千里出銅之山四百五十七出鐵之山三千六百九

古微書

又云計校九州之別土

壤山陵之大川澤所注萊沛所生鳥獸所聚九百一十萬八千二十四頃硠确不墜者其餘提封千五百萬二十頃注言民少不足以盡地利萊沛漸如不可耕者

御覽地部一州郡

又云五岳藏

神四瀆含靈五土出利以給天下黃白宜種禾

黑墳宜種麥蒼赤宜種菽滂泉宜種稻

周禮我師稼

齊民要術御覽資產部三

又云高山之顛無樹深海之淵無

水燥太剛溫太柔也

御覽地部
三十二

荀子子道篇云子路問於孔子曰有人於此夙興夜寐耕耘樹藝手足胼胝以養其親然而無孝之名何也孔子曰意者身不敬與詞不遜與色不順與古之人有言曰衣與繆與不女聊今夙興夜寐耕耘樹藝手足胼胝以養其親無此三者則何以為而無孝之名也孔子曰由志之吾語女雖有國士之力不能自舉其身非無力也勢不可也故入而行不修身之罪也出而名不章友之過也故君子入則篤行出則友賢何

為而無孝之名也

謹身節用以養父母

尚書酒誥篇云妹土嗣爾股肱純其藝黍稷奔走
事厥考厥長肇牽車牛遠服賈用孝養厥父母厥
父母慶自洗腆致用酒

小雅序云南陔孝子相戒以養也白華孝子之潔
白也又云南陔廢則孝友缺矣白華廢則廉恥缺
矣又云蓼莪刺幽王也民人勞苦孝子不得終養
爾蓼莪者我匪莪伊蒿哀哀父母生我劬勞蓼莪
者我匪莪伊蔚哀哀父母生我勞瘁耕之鑿矣維

要之恥鮮民之生不如死之久矣無父何怙無母
何恃出則銜恤入則靡至父兮生我母兮鞠我長
我育我顧我復我出入腹我欲報之德昊天罔極
南山烈烈飄風發發民莫不殺我獨何害南山律
律飄風弗弗民莫不殺我獨不卒

大戴曾子立事篇云庶人日旦思其事戰戰惟恐
刑罰之至也

又曾子本孝篇云庶人之孝也以力急食

文燦謹
業此言

竭力耕田自食粗糲
以甘旨養父母也

小戴王制篇云食節事時又云庶人無故不食珍

又云三年耕必有一年之食九年耕必有三年之食

又玉藻篇云親老出不易方後不過時鄭注不可以憂父母也

論云學而篇云事父母能竭其力

又里仁篇云子曰父母在不遠遊遊必有方

孟子離婁上篇云士庶人不仁不保四體又下篇云孟子曰世俗所謂不孝者五情其四夫不顧父母之養一不孝也博奕好飲酒不顧父母之養二不孝也好貨財私妻子不顧父母之養三不孝也

縱耳目之欲以為父母戕四不孝也好勇鬪狠以
危父母五不孝也

狗命決云削肌刻骨紫紫勤思

文選上責躬
應臨時表注

三國志諸葛亮傳便宜十六策曰經云庶人之
所好者唯躬耕勤苦謹身節用以養父母制之
以財用之以禮豐年不奢凶年不儉素有蓄積
以儲其後

此庶人之孝也

援神契云庶人孝曰畜畜者含畜為義庶人合
情受撲躬力作以畜其德則其親獲安故曰畜

也善曆書又云庶人孝則澤林楸浮珍舒怪草

秀水出神魚注云此庶人謂有德不仕若曾子

之孝千里感母能使其域致珍也御覽人事部五十三又

云民者冥也詩靈臺正義

故自天子至於庶人孝無終始而患不及者未之有也

大戴曾子立事篇云君子志難除之又云禍之所由生自讖讖也是故君子夙絕之又云天子日旦思其四海之內戰戰惟恐不能入也諸侯日旦思其四封之內戰戰惟恐失損之也大夫士日旦思

其官戰戰惟恐不能勝也庶人日旦思其事戰戰

惟恐刑罰之至是故臨事而栗者鮮不濟矣

文傑
謹案

此自天子至庶人皆
恐患禍及身之義也

大孝篇云念言不及於己又云五者不遂災及其

身

又制言篇云身殺六畜不當及親吾信之矣

春秋說題辭云禮者體也人情有哀樂五行有

興滅故立鄉飲酒之禮終始之哀婚姻之宜朝

聘之表尊卑有故上下有體五者行禮得天中

和卿覽學
和邦四

白虎通義五經篇云已作春秋後作孝經何欲
專制正於孝經也夫孝者自天子下至庶人上
下通

孝經集證卷四

桂文燦纂

三才章

曾子曰甚哉孝之大也子曰夫孝天之經也地之義也民之行也

大戴曾子大孝篇云夫孝者天下之大經也

董子春秋繁露五行對河間獻王問溫城董君曰孝經曰夫孝天之經地之義何謂也對曰天有五行為火土金水是也木生火火生土土生金金生水水為冬金為秋土為季夏火為夏木

為春春主生夏主長季夏主養秋主收冬主藏
藏冬之所成也是故父之所生其子長之父之
所長其子養之父之所養其子成之諸父所為
其子皆承承而緒行之不敢不致如父之意盡
為入之道也故五行者五行也由此觀之父授
之子受之乃天之道也故曰夫孝者天之經也
此之謂也王曰善哉天經既得聞之矣願聞地
之義對曰地出雲為雨起氣為風風雨者地之
為地不敢有其功名必上之於天命若從天氣
者故曰天風天雨也莫曰地風地雨也勤勞在

地名一歸於天非至有義其孰能行此故下事
上如地事天也可謂大忠矣土者火之子也五
行莫貴乎土土之於四時無所命者不與火分
功名木名春火名夏金名秋水名冬忠臣之義
孝子之行取之土土者五行最貴者也其義不
可加矣五音莫貴乎宮五味莫美於甘五色莫
盛於黃此謂孝者地之義也王曰善哉

漢藝文志云夫孝天之經地之義民之行也舉
大者言故曰孝經

後漢延篤傳云夫仁之有孝猶四體之有心腹

枝葉之有根本也聖人知之故曰夫孝天之經也地之義也人之行也

天地之經而民是則之

詩大雅蒸民篇云天生蒸民有物有則民之秉彝好是懿德

國語晉語是反天地而逆民則也韋注云則法也論語泰伯篇云唯天為大唯堯則之孔安國曰則法也

則天之明因地之利以順天下

易坤象傳云乃順承天又文言云坤道其順乎承

天而時行

又大象傳云順天休命

又萃象傳云順天命也

又萃象傳云順乎天而應乎人

又繫詞傳上云天之所助者順也

大戴五帝德云以順天地之紀又云順天之義

又盛德云天道不順生於明堂

又千乘云以順天道

小戴禮器云故作大事必順天時

樂記云天地順而四時當

左氏文十五年傳云禮以順天之道也

又昭二十六年傳云禋順天法

又哀二年傳云二三子順天明從天命

國語越語下云順天地之常又云必順天道

是以其教不肅而成其政不嚴而治

小戴大傳篇云自仁率親等而上之至於祖自義率祖順而下之至於禘是故人道親親也親親故尊祖尊祖故敬宗敬宗故收族收族故宗廟嚴宗廟嚴故重社稷重社稷故愛百姓愛百姓故刑罰中刑罰中故庶民安庶民安故財用足財用足故

百志成百志成故禮俗刑禮俗刑然後樂詩云不顯不承無教于人斯此之謂也

先王見教之可以化民也

白虎通義三教篇云三教一體而分不可單行故王者行之有先後何以言三教並施不可單行也以忠敬文無可去者也教所以三者何法天地人內忠外敬文飾之故三而備也即法天地人名何施忠法人敬法地文法天人道主忠人以至道教人忠之至也人以忠教故以忠為地人也地道謙卑天之所生地敬養之以敬為地

教也教者何謂也教者效也上為之下效之民
有質朴不教不成故孝經曰先王見教之可以
化民也

是故先之以博愛而民莫遺其親

小戴祭義篇云子曰立愛自親始教民睦也又云
教以慈睦而民貴有親又云教民相愛上下用情
禮之至也

陳之以德義而民興行

周禮大司徒云以鄉三物教萬民而賓興之一曰
六德知仁聖義忠和二曰六行孝友睦婣任恤三

曰六藝禮樂射御書數

又鄉大夫云三年則大比改其德行道藝而興賢者能者鄉老及鄉大夫帥其吏與其眾寡以禮禮賓之厥明鄉老及鄉大夫羣吏獻賢能之書於王王再拜受之登於天府內史貳之退而以鄉射之禮五物詢眾庶一曰和二曰容三曰主皮四曰和容五曰興舞此謂使民興賢出使長之使民興能入使治之

又師氏云以三德教國子一曰至德以為道本二曰敏德以為行本三曰孝德以知逆惡教三行一

曰孝行以親父母二曰友行以尊賢良三曰順行
以事師長

大戴千乘篇云上有義則國家治

小戴祭義篇云致義則上下不悖逆矣

又坊記篇云子云敬則用祭器故君子不以菲廢
禮不以美沒禮故食禮主人親饋則客祭主人不
親饋則客不祭故君子苟無禮雖美不食馬易曰
東鄰殺牛不如西鄰之禴祭實受其福詩云既醉
以酒既飽以德以此示民民猶爭利而忘義又云
子曰君子不盡利以遺民詩云彼有遺秉此有不

效穉伊寡婦之利故君子仕則不稼田則不漁食
時不力珍大夫不坐羊士不坐犬詩云采芣采菲
無以下體德音莫違及爾同死以此坊民民猶忘
義而爭利以亡其身

先之以敬讓而民不

周禮大司徒云十有二教一曰以祀禮教敬則民
不苟以陽禮教讓則民不爭

大戴盛德篇云凡鬪辨生於相侵陵也相侵陵生
於長幼無序而不教以敬讓也故有鬪辨之獄則
飾鄉飲酒之禮也

小戴祭義篇云立敬自長始教民順也又云教以敬長而民貴用命又云致讓以去爭也

又經解篇云鄉飲酒之禮廢則長幼之序失而爭鬪之獄煩矣

又坊記篇云子云觴酒豆肉讓而受惡民猶犯齒衽席之上讓而坐下民猶犯貴朝廷之位讓而就賤民猶犯君詩云民之無良相怨一方受爵不讓至於已斯亡子曰君子貴人而賤己先人而後己則民作讓故稱人之君曰君自稱其君曰寡君又云子云有國家者貴人而賤祿則民興讓尚技而

賤車則民興藝故君子約言小人先言子云上酌
民言則下天上施上不酌民言則犯也下不天上
施則亂也故君子信讓以蒞百姓則民之報禮重
詩云先民有言詢于芻蕘

又鄉飲酒義篇云先禮而後財則民作敬讓而不
爭矣

導之以禮樂而民和睦

周禮太宰云掌建邦之六典以佐王治邦國三曰
禮典以和邦國以統百官以諧萬民又云以八則
治都鄙六曰禮俗以馭其民又云以官府之六職

辨邦治三曰禮職以和邦國以諧萬民以事鬼神
又大司徒云十有二教一曰以禮禮教敬則民不
苟二曰以陽禮教讓則民不爭三曰以陰禮教親
則民不怨四曰以樂禮教和則民不乖又云以五
禮防萬民之偽而教之中以六樂防萬民之情而
教之和

又大宗伯云以天產作陰德以中禮防之以地產
作陽德以和樂防之又云以禮樂合天地之化百
物之產以事鬼神以諧萬民以致百物

又大司樂云以樂德教國子中和祇庸孝友以樂

語教國子興道諷誦言語以樂舞教國子舞雲門
大卷大咸大磬大夏大濩大武以六律六同五聲
八音六舞大合樂以致鬼神亦以和邦國以諧萬
民以安賓客以說遠人以作動物

大戴千乘篇云長有禮則民不爭

小戴祭義篇云君子曰禮樂不可斯須去身致樂
以治心則易直子諒之心油然而生矣易直子諒之
心生則樂樂則安安則久久則天天大則神天則不
言而信神則不怒而威致樂以治心者也致禮以
治躬則莊敬莊敬則嚴威心中斯須不和不樂而

鄙詐之心入之矣外貌斯須不莊不敬而慢易之
心入之矣故樂也者動於內者也禮也者動於外
者也樂極和禮極順內和而外順則民瞻其顏色
而不與爭也望其容貌而眾不生慢易焉故德輝
動乎內而民莫不承聽理發乎外而眾莫不承順
故曰致禮樂之道而天下塞焉舉而錯之無難矣
樂也者動於內者也禮也者動於外者也故禮主
其減樂主其盈禮減而違以違為文樂盈而反以
反為文禮減而不違則銷樂盈而不反則放故禮
有報而樂有反禮得其報則樂樂得其反則安禮

之報樂之反其義一也

又經解篇云喪祭之禮所以明臣子之恩也鄉飲酒之禮所以明長幼之序也昏姻之禮所以明男女之別也又云故昏姻之禮廢則夫婦之道苦而淫辟之罪多矣鄉飲酒之禮廢則長幼之序失而爭鬪之獄繁矣喪祭之禮廢則臣子之恩薄而倍死忘生者眾矣

又哀公問篇云哀公問於孔子曰大禮何如君子之言禮何其尊也孔子曰邠也小人不足以知禮君曰否吾子言之也孔子曰邠聞之民之所生禮

為大非禮無以節事天地之神也非禮無以辨君
臣上下長幼之位也非禮無以別男女父子兄弟
之親昏姻疏數之交也君子以此為尊敬然然後
以其能教百姓不費其會節又仲尼燕居篇云是
故以之居處有禮故長幼辨也以之閨門之內有
禮故三族和也

又坊記篇云子云七日戒三日齋承一人馬以為
尸遇之者趨走以教敬也醴酒在室醞酒在堂澄
酒在下示不淫也尸飲三眾賓飲一示民有上下
也因其酒肉聚其宗族以教民睦也

荀子樂論篇云樂者聖人之所樂也而可以善
民心其感人深其移風易俗故先王導之以禮
樂而民和睦夫民有好惡之情而無喜怒之應
則亂先王惡其亂也故脩其行正其樂而天下
順焉

示之以好惡而民知禁

小戴樂記篇云先王之制禮樂也將以教民平好
惡而反人道之正也故示有好必賞之令以引喻
之使其慕而歸善也示有惡必罰之禁以懲止之
使其懼而不為也

又緇衣篇云子曰下之事上也。不從其所令。從其所行。上好是物。下必有甚者矣。故上之所好。惡不可不慎也。是民之表也。又云子曰。上人疑。則百姓惑。下難知。則君長勞。故君民者。章好以示民俗。慎惡以御民之淫。則民不惑矣。鄭注。淫。貪侈也。孝經曰。示之以好惡。而民知禁。

又大學篇云。克己復禮。天下以仁而民從之。桀紂率天下以暴。而民從之。其所令。反其所好。而民不從。又云。所惡於上。母以使下。所惡於下。母以事上。所惡於前。母以先後。所惡於後。母以從前。所惡於右。

母以交於左所惡於左母以交於右此之謂絮矩之道詩云樂只君子民之父母民之所好好之民之所惡惡之此之謂民之父母

潛夫論斷訟篇云孝經曰陳之以德義而民興行示之以好惡而民知禁今欲變巧偽以崇善化息亂訟以閑官事者莫若表顯有行痛誅無狀道文武之法明詭詐之信

詩云赫赫師尹民具爾瞻

詩小雅節南山篇毛傳云赫赫顯威貌師大師周之三公也尹尹氏為大師具俱瞻視也鄭箋云此

言尹氏女居三公之位天下之民俱視女之所為
小戴緇衣篇云子曰下之事上也不從其所令從
其所行上好是物下必有甚者矣故上之所好惡
不可不慎也是民之表也子曰禹立三年百姓以
仁遂焉豈必盡仁詩云赫赫師尹民具爾瞻

又大學篇云詩云節彼南山維石巖巖赫赫師尹
民具爾瞻有國者不可以不慎辟則為天下僂矣
春秋繁露山川頌云且積土成山無損也成其
功無害也成其大無虧也小其上泰其下久長
安後世無有去就像然獨處惟山之意詩云節

彼南山維石嶷嶷赫赫師尹民具爾瞻此之謂也

漢書成帝紀詔曰方今世俗奢僭罔極靡有厭足公卿列侯親屬近臣四方所則未聞脩身遵禮同心憂國者也或過奢侈逸豫務廣第宅治園池多畜奴婢服綺縠設鐘鼓備女樂車服嫁娶葬埋過制吏民慕效寔以成俗而欲望百姓節儉家給人足豈不難哉詩不云乎赫赫師尹民具爾瞻其申勅有司以漸禁之

又董仲舒傳仲舒復對曰及至周室之衰其師

大夫緩於誼而急於利亡推讓之風而有爭田
之訟故詩人疾而刺之曰節彼南山惟石嶮嶮
赫赫師尹民具爾瞻爾好誼則民鄉仁而俗善
爾好利則民好邪而俗敗由是觀之天子大夫
者下民之所觀效遠方之所以四面而內望者
也

漢官儀引詩云赫赫師尹民具爾瞻應劭曰尹

正也

太平御覽

後漢書郎顛傳引詩云赫赫師尹民

具爾瞻曰師尹三公也言三公之位天下之人

共瞻視之

晉書秦秀傳引詩云赫赫師尹民具爾瞻秀曰
言其德行高峻動必以禮耳

文選晉紀總論注引呂向曰師尹大臣也使萬
人具瞻之以成其責

孝治章

子曰昔者明王之以孝治天下也不敢遺小國之臣
而況於公侯伯子男乎故得萬國之歡心以事其先
王

公羊莊二十五年傳云陳侯使女叔來聘何休曰
稱字敬老也禮七十雖庶人主孝而禮之孝經曰

昔者明王之以孝治天下也不敢遺小國之臣是也

援神契云周成王時越裳獻白雉去京三萬里

王者祭祀不相踰宴食衣服有節則至

書
豳
類

厭祥瑞部柳
覽羽族部四又云合忻忻之樂舞於堂四夷之

樂陳於戶

柳覽
樂部

又云得萬國之歡心人悅喜無

怨心

文選三國名
臣序贊注

又云天下歸往人人樂生

文選

晉紀總
論注

鈞命決云天子常所不臣者三惟二王之後妻
之父母夷狄之君不臣二王之後者為觀其法

度故尊其子孫也不臣妻之父母者親與其妻
共事先祖欲其歡心不臣夷狄之君者此政教
所不加嫌不臣也諸侯無此禮暫所不臣者五
謂師也三老也五更也祭尸也大將軍也此五
者天子諸侯同之

禮學記
正義

又云焦侁跂踵重譯

款塞

山海經注
外南經注

又云故即位比年使大夫小聘

使上卿大聘四年又使大夫小聘

公羊傳
年解詁

漢書王莽傳上云禮記王制千七百餘國是以
孔子著孝經曰不敢遺小國之臣而况於公侯
伯子男乎故得萬國之歡心以事其先王此天

子之孝也

治國者不敢侮於鰥寡而况於士民乎故得百姓之
懽心以事其先君

詩大雅蒸民篇云不侮鰥寡

荀子王霸篇云上莫不致愛其下而制之以禮
上之於下如保赤子政令制度所以接下之人
百姓有不理者如豪末則雖孤獨鰥寡必不加
焉故下之親上敬如父母可殺而不可使不順
君臣上下貴賤長幼至於庶人莫不以是為隆
正然後皆內自省以謹於分是百王之所以同

也而禮法之樞要也楊注引孝經曰不敢侮於
解寡而況於士民乎

治家者不敢失於臣妾之心而況於妻子乎故得人
之惟心以事其親

小戴中庸篇云詩曰妻子好合如鼓瑟琴兄弟既
翁和樂且耽宜爾室家樂爾妻帑子曰父母其順
矣乎

又昏義篇云成婦禮明婦順又申之以著代所以
重責婦順焉也婦順者順於舅姑和於室人而后
當於夫以成絲麻布帛之事以審守妻積蓋藏是

故婦順而后內和理內和理而后家可長久也故
聖王重之是以古者婦人先嫁三月祖廟未毀教
於公宮祖廟既毀教於宗室教以婦德婦言婦容
婦功教成祭之牲用魚芼之以蘋藻所以成婦順
也古者天子后立六宮三夫人九嬪二十七世婦
八十一御妻以聽天下之內治以明章婦順故天
下內和而家理天子立六官三公九卿二十七大
夫八十一元士以聽天下之外治以明章天下之
男教故外和而國治故曰天子聽男教后聽婦順
天子理陽道后治陰德天子聽外治后聽內治教

順成俗外內和順國家理治此之謂盛德

夫然故生則親安之祭則鬼享之

大戴曾子大孝篇云敬可能也安為難安可能也
久為難

又本孝篇云故孝子之於親也生則有義以輔之
死則哀以莅焉祭則蒞之以敬

小戴祭義篇云君子生則敬養死則敬享思終身
弗辱也

又祭統篇云祭者所以追養繼孝也蓋緣孝子之
心畜養而已故於祭祀追而繼之

論語為政篇云子夏問孝子曰色難有事弟子服

其勞有酒食先生饌曾是以為孝乎

臣謹案此即生則親安之

之謂也

潛夫論正列篇云孝經云夫然故生則親安之祭則鬼享之由此觀之德義無違神乃享鬼神受享福祚乃隆故詩云降福穰穰降福簡簡威儀板板既醉既飽福祿來反此言人德義茂美神歆享醉飽乃反報之以福也

是以天下和平災害不生禍亂不作故明王之以孝治天下也如此

周易咸象傳云天地感而萬物化生聖人感人心而天下和平觀其所感而天地萬物之情可見矣大戴千乘篇云卿設如大門大門顯美小大尊卑中廣開明閉幽內祿出災以順天道近者閉焉遠者稽焉君發禁卑受而行之以時通於地散布於小理天之災祥地寶豐省及民共享其祿共任其災此國家之所以和也

小戴禮運篇云用水火金木飲食必時合男女頒爵位必當年德用民必順故無水旱昆蟲之災民無凶饑妖孽之疾故天不愛其道地不愛其寶人

不受其情故天降青露地出醴泉山出器車河出
馬圖鳳凰麒麟皆在郊椒龜龍在宮沼其餘鳥獸
之卵胎皆可俯而聞也則是無故先王能修禮以
達義體信以達順此順之實也

孟子離婁篇云舜盡事親之道而瞽瞍底豫瞽瞍
底豫而天下化瞽瞍底豫而天下之為父子者定
此之謂大孝

詩云有覺德行四國順之

詩大雅抑篇毛傳云覺直也鄭箋云有大德行則
天下順從其政言在上所以倡道之

小戴緇衣篇云子曰上好仁則下之為仁爭先人
故長民者章志貞教尊仁以子愛百姓民致行已
以悅其上矣詩云有棣德行四國順之

左氏襄二十一年傳叔向曰祁大夫外舉不棄讎
內舉不失親其獨遺我乎詩云有覺德行四國順
之夫子覺者也杜注有覺較然正直也

又昭五年傳昭子即位朝其家眾曰豎牛禍叔孫
氏使亂大從殺適立庶又披其邑將以赦罪罪莫
大焉必速殺之豎牛懼奔齊孟仲之子殺諸塞關
之外投其首於甯風之棘上仲尼曰叔孫昭子之

不勞不可能也詩曰有覺德行四國順之

春秋繁露郊祭篇云今為其天子而闕然無祭於天何必善之所聞曰天下和平則災害不生今災害生見天下未和平也天下所未和平者天子之教化不行也詩曰有覺德行四國順之覺者著也王者有明著之德行於世則四方莫不響應風化善於彼矣

韓詩外傳卷五水淵深廣則龍魚生之山林茂盛則禽獸歸之禮義修明則君子懷之故禮及身而行脩禮及國而政明能以禮扶身則貴名

自揚天下願焉令行禁止而王者之事畢矣詩
曰有覺德行四國順之夫此之謂也又卷六云
桓公曰吾聞之布衣之士不欲富貴不輕身於
萬乘之君萬乘之君不好仁義不輕身於布衣
之士縱夫子不欲富貴可也吾不好仁義不可
也五往而得見也天下諸侯聞之謂桓公猶下
布衣之士而况國君乎於是相率而朝靡有不
至桓公之所以九合諸侯一匡天下者此也詩
曰有覺德行四國順之

新序雜事篇云齊桓公下布衣之士諸侯相率

而朝靡有不至詩云有覺德行四國順之

列女魯義姑姊傳婦人曰己之子私愛也兄之
子公義也夫背公義而嚮私愛亡兄子而存妾
子幸而得幸則魯君不吾畜大夫不吾養庶民
國人不吾與也夫如是則曾肩无所容而累足
无所履也子雖痛乎獨謂義何故忍棄子而行
義不能无義而視魯國於是齊將按兵而止詩
云有覺德行四國順之此之謂也

楚詞注引詩云有覺德行四國順之王逸曰覺
較也